

0  
1cm  
2  
3  
4  
5  
6  
7  
8  
9  
10  
11  
12  
13  
14  
15  
16  
17  
18  
19  
20  
21  
22  
23  
24  
25  
26  
27  
28

deli  
得力集团有限公司  
No.6230  
02260122号



437  
4048



















小倉山房詩集卷三十一

乙巳丙午

錢唐袁枚子才



7880



小倉山房詩集卷三十

乙巳丙午

錢唐袁枚子才

乙巳元旦舟中與霞裳聯句

舟中度元日江上領春風宿雨猶霑樹

袁

朝陽乍出宮

喜無賀歲事

劉

轉有賦詩功家近心尤急

袁

天遙霧正

濛開窓迎紫氣

劉

解纜促篙工寸步行皆喜

袁

千山看

未終醉人眠舵側

劉

爆竹響波中吉語時聞耳

袁

祥飈

替轉篷遠村梅葢白

劉

隣舫鬢花紅伐鼓兒童競

袁

敲

棋師弟同紀年更甲乙

劉

認水辨西東想見深閨裏金

錢卜幾通

袁

新正十一日還山

17880



自覺山人膽足夸行年七十走天涯公然一萬三千里  
聽水聽風笑到家

迎門兒女慶團圓隣里爭當遠客看不是桃源真福地  
如何雞犬盡平安

香雪階前撲面飛喜從香裏解征衣老妻指向諸姬笑  
不爲梅花尚不歸

一雙孔雀艷歸裝惹得傾城士女狂爲要誘他開翠尾  
麗人來往盡濃粧

賓客連宵坐滿庭問山問海問花名急抄詩與諸公讀  
省得衰翁說不清

重理殘書喜不支一言擬告世人知莫嫌海角天涯遠

但肯搖鞭有到時

七十生日作



重理殘書喜不支一言擬告世人知莫嫌海角天涯遠

但肯搖鞭有到時

七十生日作

士龍百年歌七十始長嘆可知上壽難古人見詞翰我  
今危得之自取平生按解龜四十年著述百餘卷多少  
顯榮人隨風作雲散而我獨迢然青蓮留一瓣愛惜一  
山雲不肯三公換悟徹萬緣空不屑空門竄食不喜重  
味而恰精肴饌氣不識金銀而亦多清玩心安身卽行  
陰陽非所憚理足口卽言往往翻前案樂自尋孔顏學  
不拘宋漢新從兩粵歸萬里江山看攬揆三月天滿園  
春色爛偕老妻尚存遲生兒亦卯奚僮蒼頭多諸姬白  
髮半開池成巨波種松成古幹弟子來英英老夫時灌



灌夷甫尚鮮明韓嬰頗精悍雖乏李清繩遽把仙凡判  
且學魯季孫六櫃東門辦住隨白日留去憑天公喚詩  
成烏共吟酒到花能勸忘老當作孩視昏猶若且厭聽  
麥邱祝自作東方贊

不染鬚

留鬚鑷鬚染鬚都有詩四十年來能幾時今年七十染  
不必一白而已鬚事畢記得當初未有渠意氣凌雲渺  
八區一回吟咏一回老不惱韶光只惱鬚我既不能諱  
老求官祿又復不能煖老求燕玉有如孀婦此心灰永  
不粧臺理膏沐人言本色是英雄我恰掀髯笑未終二  
十一科黃榜客捫心可是白頭翁苦嫌老去人無用有

時老亦因人重且免身充元甲軍兼堪彈出銀絲供君  
不見蒲輪車上尊酒不向終童家裏走又不見香山圖



不粧臺理膏沐人言本色是英雄我恰掀髯笑未終二  
十一科黃榜客捫心可是白頭翁言天嫌老去人無用有

時老亦因人重且免身充元甲軍兼堪彈出銀絲供君  
不見蒲輪車上尊酒不向終童家裏走又不見香山圖  
畫洛社耆英都是皤皤黃髮形我鬚容易白如許頭責  
何須勞子羽開牕只替海棠愁一樹梨花將壓汝

考据之學莫盛于宋以後而近今爲尤余厭之戲

仿太白嘲魯儒一首

東逢一儒談考据西逢一儒談考据不圖此學始東京  
一邱之貉于今聚堯典二字說萬言近君迷入公超霧  
八寸策訛八十宗遵明竭竭強分疏或爭關睢何人作  
或指明堂建某處考一日月必反唇辨一郡名輒色怒  
干卿底事漫紛紜不死飢寒死章句專數郢書燕說對



小倉山房 卷三十一 二  
喜從牛角蝸宮赴我亦偶然願學焉頃刻揮毫斷生趣  
搏撿故紙始成篇彈弄雲和輒膠柱方知文字本天機  
若要出新先吐故魯人無聊把藩拾齊士談仙將影捕  
作爾雅非磊落人疏周官走蠶叢路當時孔聖尙闕疑  
孟說井田亦臆度底事于今考据人高睨大談若目覩  
古人已死不再生但有來朝無往暮彼此相毆昏夜中  
畢竟輸贏誰覺悟次山文碎皇甫譏夏建學瑣乃叔惡  
男兒堂堂六尺軀大筆如椽天所付鯨吞鰲擲杜甫詩  
高文典册相如賦豈肯身披膩顏袷甘逐康成車後步  
陳迹何妨大略觀雄詞必須自己鑄待至大業傳千秋  
自有腐儒替我註或者收藏典籍多亥豕魯魚未免悞

招此輩來與一餐鎖向書倉管書蠹

戲夢樓



陳迹何妨大略觀雄詞必須自己鑄待至大業傳千秋  
自有腐儒替我註或者收藏典籍多亥豕魯魚未免悞

招此輩來與一餐鎖向書倉管書蠹

戲夢樓

夢樓見佛不見我一望蒲團頭欲墮鄙人見我不見佛  
行遍香臺不作揖君不必爭佛有我不必爭佛無只問  
此中方寸意何如請看世上尊官貴人亦儘有我果無  
所求則亦視有如無免應酬

遣懷雜詩

一笑老如此作何消遣之思量無別法惟有多吟詩譬  
如將眠蠶尙有未盡絲何不快傾吐一使千秋知  
早貴如早起所見人事多早退如早眠心神常安和吾  
生有天幸熊魚竟兼兩每聞宦海波設想吾其倘



雨脚三月斷火龍當空蟠偶有一片雲狂風驅還山老人苦炎烝風前將書攤磨墨如車水隨車隨時乾筆燥觸紙響何能生文瀾硯田尙如此農田更可嘆願揮渾身汗當作時雨頒

萬物蟄于冬而我蟄于夏赤帝一當關羣客可以謝我其陳疇歟蒙頭不出舍書卷盡情翻衣冠終日卸平生所著述往往趨此暇可奈正憑欄秋隨一葉下

女媧搏黃土濛濛沙塵飄百千億萬年回轉無停鑣而我生其間泰山一鴻毛雖則一鴻毛矜矜頗自豪三十早歸田二十早登朝在邦無怨尤在家無喧呶逢花皆采折無山不遊遨李杜韓歐蘇相逢足解嘲官或比我

尊壽都輸我高誰是七十翁握筆猶嚶嚶

凡才欲其大凡志欲其小才大事易辦志小量易飽譬



早歸田二十早登朝在拜無怨尤在家無喧叟逢花皆  
采折無山不遊遨李杜韓歐蘇相逢足解嘲官或比我

尊壽都輸我高誰是七十翁握筆猶嚶嚶

凡才欲其大凡志欲其小才大事易辦志小量易飽譬  
如挽強弓我力十石餘情願挽九石其氣恬以舒君看  
韓彭輩不如滕與薛更看袁公路不如黑山賊阿斗與  
黃奴以懦全其生李志與曹蜍以庸傳其名

一見動相慕未見早相惡問其所以然有緣無緣故緣  
法苟未終臨死補一面如其無緣者抵死不相見豈徒  
今人哉于古亦如此或佞我愛之或賢我不喜緣之所  
由來其中豈無因知者其天乎板板偏不言

竇融在河西光武欲招之適融遣使來彼此歡不支隗  
囂亦遣使中途被讐殺遂致生釁端彼此兩不察其一



富貴終及其子若孫其一勤干戈禍至滅其門其時佛  
未來緣法已如此佛因敷衍之曉人當如是

宋儒談性理漢儒談典章或疑尙書僞或道周官亡聚  
訟數千年長夜無燭光我聞沮渠遜言人浮海洋親見  
孔聖人絃歌聲未央七十二弟子羅立自成行何不往  
詢之所苦無舟航傷哉觸觸生捕影枉自忙雖有記事  
珠不如返寃香

有心積陰德殊非高士懷而况讀經貪鄙尤可哀古  
有端木叔六十而散財彼豈真老悖不念子孫哉實見  
身後事非我所安排宣尼大神聖晚年伯魚災昭王溺  
于楚成康非禍胎看破此機關浩浩與天偕出門不選

日入廟不持齋陰陽非所忌仙佛難我給隨雲去處去  
隨風來處來



于楚成康非禍胎看破此機關浩浩與天偕出門不選  
日入廟不持齋陰陽非所忌仙佛難我給隨雲去處去  
隨風來處來

明月幾時有問天天不知縱云有開闢開闢始何時往  
往眼前事考究無窮期與其張目想兀兀發狂癡不若  
合眼眠一笑姑置之

少年愛讀書硜硜守章句衰年愛讀書消遣領其趣雖  
然讀輒忘過眼皆吾有書味在胸中甘于飲陳酒

漢有符節郎請發不韋墓謂是秦火前所藏多竹素求  
書至發冢早被莊周譏我意覺可惜發或竟得之不見  
陳伯茂曾發邠曇墳大獲右軍書幅幅生烟雲

鋤地得寶者斷非望氣掘世世出公卿不聞謀吉穴彭



鏗壽最長何曾談服食百戰百勝將兵書字不識天之  
所付與不必人營謀何苦蚩蚩氓奔如燒尾牛知進不  
知退力欲爭上流豈無烘開花一開花已休

代公未遇時盜鑄畧人口及其成大功黃龍且授首國  
箸寶懷貞無恥衆所訾及其簿錄日俸外少餘資盧杞  
亂天下家無妾媵妍杲卿大忠烈乃索花粉錢寄語腐  
儒輩觀過于其黨放開眼界寬流覽史書廣

劉誠允善飲苦無酒伴陪或薦一軍校可以千百杯問  
其量何如曰醉不敢放愈到沉酣時愈作謙謹狀劉乃  
笑搖頭此未足爲量凡事一改常識者所不尙

嘉祐頒陣卬德用諫不可道兵貴神速泥古恐相左錢

乙善醫疾往往心忖量道是病萬變不可拘古方觀此

二公言可悟作文術提筆學化工一味活潑潑



笑指豈止未足爲量月事一以常語者所不借  
嘉祐頒陣高德用諫不可道兵貴神速泥古恐相左錢

乙善醫疾往往心忖量道是病萬變不可拘古方觀此  
二公言可悟作文術提筆學化工一味活潑潑

貪生學仙少畏死學佛多生死兩相忘仙佛如余何我  
道佞佛者其人必諂諛未知靈與否尙向木偶趨奚况  
權貴門炙手可熱歟

邢尹一相見涕泣服其美賈充郭夫人見李屈膝矣青  
蓮服崔顥不敢再題詩李邵愧劉蕡登科願讓之真美  
人才子大抵心多虛木虛爲琴瑟竹虛爲笙竽後代妄  
庸人不肯爲人下山膏形如豚厥性但好罵

侂胄魏公孫並非宦寺流伐金雖賈禍志在復國仇偶  
作南園記思擬畫錦堂不喜鄭棫作而慕放翁名出其



四夫人玉手擎杯觴下士肯如此便是爲善資母怪放  
翁作勤懇加規詞一朝事機失頭顱敵國墓士論羣吠  
聲放翁名節喪豈知論成敗所見尤卑庸符離大喪師  
謀者張魏公何以不加誅人異事則同太邱弔張讓不  
失爲君子一切苛刻論都從宋儒始

青耕能禦疫跂踵好降災窮奇見善去鮭魷觸邪來物  
性大不齊人性亦參半所以孔子言上智下愚判子輿  
道性善學孔翻孔案

漢有崔子玉隨官墓洛陽唐有辛藏之亦墓萬年鄉道  
死果有知吾豈守墓者如其死無知枯骨何取捨我意  
亦如此隨園旁起墳雖學羸博達終愧首邱仁

報德必以德聖人有明言宋人獨反之攻擊先恩門魏  
公薦王陶陶劾其縱恣歐薦林之奇林發其陰事允文



死果有知吾豈守墓者如其死無知枯骨何取捨我意亦如此隨園旁起墳雖學嬴博達終愧首邱仁

報德必以德聖人有明言宋人獨反之攻擊先恩門魏公薦王陶陶劾其縱恣歐薦林之奇林發其陰事允文薦蕭杲杲乃首疏彈旁有朱晦翁嘖嘖加贊嘆嗚呼報施絕忠孝何由來且冷朝士心何人肯愛才惟有范文正大賢獨多情一受元獻薦終身稱門生

屋造鼠卽至池開魚卽生問其所由來蹤跡不分明大抵天地間氣化先形化青寧程馬間生生相代謝洪荒無匹偶人類自萌芽伊尹生空桑詰汾無母家

人言晚景佳恰比少時好我意道不然行樂還須早譬如美衣裳少艾可光軀老雖著金紫不稱白髭鬚又如美飲食壯佼不嫌多及其旣衰矣未饜腹已皤我少雖



好學無力購書看而今眼昏花萬卷徒空攤又嘗思窈  
窕貧莫能致之而今作枯楊生梯亦可嗤所以徐諤言  
人生壽七十生長富貴家一日抵兩日

夢遊淡巖石上鐫此四句

一回開闢一乾坤物換星移日日新盤古如麻朝玉帝  
不知誰是領班人

題鄒若泉牧羊圖

白艸黃沙望眼迷荒荒落日雪山西羣羊似解孤臣意  
翹首南雲一剪齊

李廸丹青筆最超鄒生粉本更親描擬教添个蘇卿婦  
幾點胭脂染節毛

誰家

誰家低唱玉瓏玲流管清絲夜不停一曲歌終人一世



李延丹青筆最超  
劬生粉本更親描  
擬教添个蘇卿婦  
幾點胭脂染節毛

誰家

誰家低唱玉瓏玲  
流管清絲夜不停  
一曲歌終人一世  
那堪頭白客中聽

哭陸朗夫中丞

持節長沙有正人  
泊舟野叟謁清塵  
誰知望重蕭夫子  
早識風流賀季真  
傾蓋未消衡嶽雨  
停春已失楚江春  
傷心萬里西征賦  
爲了三生一見因

栽樹自嘲

七十猶栽樹  
旁人莫笑癡  
古來雖有死  
好在不知知

哭蔣心餘太史

西江風急水搖天  
吹去人間老謫仙  
名動九重官七



品詩吟一字響千年空中香雨金棺掩帳下奇兒玉笋  
聯如此才華埋地底夜深寶劍恐騰烟

君家花裏別君時君起看花力不支

三月四日

一慟自知無

見理九原還望有交期應劉並逝空存我李杜齊名更  
數誰教作藏園詩稿序已成未寄倍凄其

自驚

蕭蕭落葉滿階庭冉冉流光老自驚世事過來惟有夢  
古人一去總無聲千年仙鶴歸何晚兩個金丸打不清  
悟得輪回文字孽張衡才死蔡雍生

哭章公子

傳來消息滿城悲玉樹凋傷第二枝心力豈緣書局盡

姓名已受

聖人知

公子纂修四庫書議敘員外

蘭方飲露花先隕

鶴正凌霄翅忽垂從古天心忌才子不教終賈髯如絲



傳來消息滿城悲  
玉樹凋傷第二枝  
心力豈緣書局盡

姓名已受

聖人知

公子纂修四庫書議敘員外

蘭方飲露花先隕

鶴正凌霄翅忽垂  
從古天心忌才子  
不教終賈髻如絲  
跋扈飛揚氣絕羣  
偏于野叟最殷勤  
每吟佳句先呈我  
豈料衰年反哭君  
賴有舒祺延弱息  
更無阿鷺嫁秋雲  
而翁倘作西河慟  
莫遣堂前大母聞

香亭卓薦後欲賦遂初忽以前任霍邱事鐫級聞

其歸舟已過峽江喜而有作

聽說君歸喜欲顛  
更聽君到峽江邊  
去官難得因微罪  
行樂公然尙壯年  
骨肉兩家人健在  
星霜五載夢纏綿  
開牕屢探春風色  
月照荆花影又圓

代謀精舍老身忙  
硯北溪南費酌量  
陸賈裝雖無巨萬



阿連居要有池塘水邊斑管高吟處竹裏棋枰小戰場  
淮擬安排來告汝白頭一笑共扶將

端江作別泪交流那料重逢歲兩周雲路似君真可惜

風帆依我竟須收

大府出考語甚佳

門前五柳心思種海上三

山浪打舟天意玉成知感否好燒紅燭夜同遊

從此青溪水不寒高風六代有人攀陸機文史東西屋

何點琴尊大小山棠棣花雖兩處種桃源門可一家關

唐生相我言如驗五載猶能作往還

相士胡文炳相余六十三歲得子壽

七十六其一已驗

袁郎詩爲霞裳補作有序

在粵東時袁郎師晉年十七明慧善歌爲吳明

府司閹乍見霞裳推襟送抱苦不得一霑接再

三謀得私約某日兩情可申忽主人奉大府檄



袁良詩爲霞裳補作

在粵東時袁郎師晉年十七明慧善歌爲吳明

府司閤乍見霞裳推襟送抱苦不得一霑接再  
三謀得私約某日兩情可申忽主人奉大府檄  
火速鑿行郎不得留與霞裳別江上涕如梗縻  
余思兩雄相悅數典殊希爲補一詩作桑間濮  
上之變風云

珠江吹斷少男風  
珠泪離離墮水紅  
緣淺變能生頃刻  
情深誰復識雌雄  
鄂君翠被床才夢  
荀令香爐座忽空  
我有青詞訴真宰  
散花折柳太匆匆





府司閤乍見霞裳推襟送抱苦不得一霑接再  
三謀得私約某日兩情可申忽主人奉大府檄



府司閤乍見霞裳推襟送抱苦不得一霑接再  
三謀得私約某日兩情可申忽主人奉大府檄  
火速鑿行郎不得留與霞裳別江上涕如縷縻  
余思兩雄相悅數典殊希爲補一詩作桑間濮

上之變風云

珠江吹斷少男風珠淚離離墮水紅緣淺變能生頃刻  
情深誰復識雌雄鄂君翠被床才疊荀令香爐座忽空  
我有青詞訴真宰散花折柳太匆匆

騎牛

騎馬上林街騎鶴揚州市平生兩願都已償惟有騎牛  
身未試竭來鄉間逢水牛相牛之背笑不休此是人間



安穩處七十老翁有所求呼僮扶上不施鞵牛亦相憐  
身不動雨笠烟蓑汝慣馱褰衣大褱母乃重鞭之不前  
行徐徐此牛腹中似有書聽之黃鐘滿脰鳴此牛曾否  
三犧生可見世間萬事學難了騎牛未必牛道好但願  
他生一日作牧童絕勝終朝牽鼻爲三公

穀雨雪

重陽雪穀雨雪兩年下雪非時節菊花秋草尙禁寒海  
棠嬌紅定愁絕老農老圃爭致詞春行冬令非所宜各  
持天官書一册按歷書雲占驗之我道萬事總憑天作  
主無心成化本如許若教板板循規矩天不作天讓與  
汝

女弟子陳淑蘭窻前開紅蘭一枝遣其郎君鄧秀

才來索詩



主無心成化本如許若教板板循規矩天不作天讓與  
汝

女弟子陳淑蘭窻前開紅蘭一枝遣其郎君鄧秀

才來索詩

佳話傳來鄧十郎金閨蘭草作紅妝想因燕姑梳頭處  
偶灑燕脂水數行

十年辛苦國香栽消息曾無一朵開今日徵蘭芳訊到

紫霞宮裏有人來

鄧未有子

名重針神遠近聞同心同臭有夫君好將一穗紅心草  
繡向瀟湘六幅裩

端陽

黃鶯聲裏泛蒲觴今歲春光太覺長七十一年人未見  
滿欄芍藥過端陽



檢書圖爲盧抱經學士題

他人借書借而已君來借書我輒喜一書借去十日歸  
缺者補全亂者理君言檢書性所嗜精比揚金細擇米  
獲一義勝真珠船剖一疑如桶脫底康成寸策非八宗  
晉師渡河豈三豕倘非古本費研求訛以傳訛誰撫掎  
昌黎讀書先識字伊川凡事求其是胸中秉此二義行  
點畫偏旁究原委當年簪筆侍青宮曾繪此圖呈 帝  
子饌斥邪蒿寓訓詞官名正字存微旨至今七十已懸  
車猶日孳孳勤不止摩研編削宵秉燭綠字朱文堆滿  
几非爲三教纂珠英定替六經作奴婢我聞古人老好  
學操夸孤與伯業耳更有南朝沈麟士八十手鈔八千

紙君今神勇欲過之直以邱墳當藥餌我愧賈山徒涉  
獵鈇剝苛碎愁欲死偶質所疑莛撞鐘大鳴小鳴應聲



凡非爲三教纂珠英定替六經作奴婢我聞古人老好  
學操夸孤與伯業耳更有南朝沈麟士八十手鈔八千

紙君今神勇欲過之直以邱墳當藥餌我愧賈山徒涉  
獵鈇剝苛碎愁欲死偶質所疑莛撞鐘大鳴小鳴應聲  
起也思北面就經師可柰頽光剩無幾他年文苑縱濫  
登儒林一傳君先矣

撫孤行爲畢尙書作

我聞郭代公四十萬緡脫手空又聞魯子敬指千困粟  
作投贈此皆周恤生前朋不如畢尙書待死友有深情  
諸公聽我撫孤行一解新安魚門子姓程字戢園平生  
著述千萬言重仁襲義人稱賢只有作家二字天性短  
玉卮無當不能盛一錢食翰林俸逋負如山長髯拂拂  
兩眉皺急走西方求佛教二解彤彤徂暑乘舁棧車烈



火燒其心炎風炙其軀行年六十胸煩紆望見畢尚書  
當作菩提如尚書迎入南衙居只道故人來不圖新鬼  
俱奄然一病遽委化瞑目而去片語無三解尚書親視

含殮泣下數行楸柅為藉幹袒免為服喪三桃湯五穀  
囊一一布置加周詳柳翠駢羅羽葆輝煌送歸靈輜白  
下葬旁人嘖嘖相誇張道如此異鄉死哀榮勝故鄉四

解死者樂矣生者哭矣孤兒曾曾無棲宿矣尚書聞之  
又買屋矣可柰尚書官大梁孤兒居建業昏夜乞水火  
鞭長莫能及魚門平日交滿海內空紛紛誰管東里西

華冬日猶衣葛練羣如枚百輩何足數只能代為躅足  
仰望高天雲五解闐然明駝千里來黃金百鎰光皚皚

交與桐城俠士章淮樹替主進替營財但許取子不取  
母十年以後交兒手六解七月二十四日隨園風和章



華冬日猶衣葛練，莫如枚百輩，何足數。只能代爲躅足，  
仰望高天雲。五解 闖然明駝千里來，黃金百鎰光皚皚。

交與桐城俠士章，淮樹替主進替營財。但許取子不取  
母，十年以後交兒手。六解 七月二十四日隨園風和章

公挈孤兒載酒相過，作畫紙券唱得寶歌。頃刻金城千

萬丈，崽子嫋嫋得依傍。七解 滿堂賓客額手再拜不信

當今古人尙在一，叟無言搔白頭。招阿遲來笑不休，而

翁縱死汝無憂。汝不見畢尙書風義高千秋。八解

重宿棲霞感懷往事賦贈墨禪上人

憶甲戌春遊攝山，荒厓絕磴窮躋攀。琳宮尙少金泥色，  
古徑多生苔蘚斑。歸將山景繩其美，望山使相聞之喜。  
擬割蓬萊左股來，當作人才獻。天子拜表丹墀請，  
六龍經營慘淡召諸公。石從地底搜雲片，泉引天河下



碧空朱雲善畫龍鑑莊周巧經畬潘令栽花涵摩詰掃

發桂更有徵歌置酒人桃花潭水汪倫好楷亭賤子從

公幾度來旌旗隊裏一芒鞋諸天月落猶分韻萬木霜

明更上臺果然 聖主鑾輿到一遊一豫 天顏笑松

聲有意學嵩呼石佛無言作前導相公三次展經綸奪

取西湖放寺門彩虹明鏡三千丈手折青蓮奉 至尊

一朝入贊黃扉務猶自停驂來此處雪泥鴻爪認前因

馬亦驕嘶不忍去此事于今廿載餘白頭重到舊人無

黃公壚在山河遠東霸城高銅狄孤剩有墨禪師一个

與談往事淚同墮今為長老昔沙彌眼中無數浮雲過

攜手香臺處處遊滄桑萬種說因由青山也似人衰老

白鹿泉乾水不流白鹿泉今無覓處

哭江蔗畦太守



與談往事淚同墮今爲長老昔沙彌眼中無數浮雲過  
攜手香臺處處遊滄桑萬種說因由青山也似人衰老

白鹿泉乾水不流

白鹿泉今無覓處

### 哭江蔗畦太守

才送花驄過石橋遽騎箕尾上丹霄吟詩雅欲追唐代  
作吏真能報聖朝清俸一箱書畫在生祠千縷佛香

飄襄陽片石江隄柳多少蒼生淚未消

君牧亳州作堤捍水人比之羊

公墮  
淚碑

客春賤子病空山幾度蒙公走馬看古鏡過時偏肯照  
青琴舍我恰誰彈頻驚碩果風前落愈覺孤花樹上難  
腸斷郎君鳳池客麻衣如雪下長安

### 霞心庵看桂贈月初上人

棲霞四面環中心一庵聳入門鳥無聲諸佛但葉拱不



須旃檀燒自有木犀擁樓窻開一角金粟如海湧難將  
萬斛量恨不干手捧四野黃霧塞六時異香壅氤氳染  
衣裳熏炙入毛孔老僧尤多情煨栗相矜寵新雪落紛  
紛舊話談種種笑我七十翁晚歸心輒恐且辭月宮還  
殘花雙袖攏

寶華山

山門一路松直上寶華峯銅殿風霜古經臺草樹封律  
嚴齋鶴靜香散佛雲濃羣鼠都持戒來聽午後鐘  
華山鼠不  
避人晝  
行夜伏

棲霞古松無故自萎者甚多

千年古松葉四布一朝禿立不知故老幹雖招雷火焚

殘枝尙作蛟龍怒意欲人間作棟梁不貪冷處飽風霜  
甘心絕代擎天手付與樵夫說短長



棲霞古松無故自萎者甚多

千年古松葉四布一朝禿立不知故老幹雖招雷火焚

殘枝尚作蛟龍怒意欲人間作棟梁不貪冷處飽風霜  
甘心絕代擎天手付與樵夫說短長

哭家漁洲

年年蘭槩泊楓橋爲有吾家小阮招竹裏鶴留賓一榻  
窻前花勸酒三蕉同揮玉麈邀詞客沙斗代製金釵餉

阿嬌此日思量如隔世碧天雲散雨瀟瀟

今秋正擬續前緣豈料山河竟渺然一紙訃來真膽落  
九原人去未華顛芸香空掩三千卷錦瑟誰彈五十絃  
賴有季方賢弟在好扶雛鳳上雲烟

憎蠅

深秋醜扇尚紛紛偶據高柯自道真枵腹可曾餐墨水



惡聲偏欲擾詩人神昏不附追風驥暑退能留幾日身  
辜負天教生羽翼枉鑽窻紙費精神

八月二十八日出遊武夷

半生夢想武夷遊此日裁呼江上舟山抱文心傳九曲  
水搖花影正三秋神仙半面何時露錦幔諸君識我不  
擬唱賓雲最高調支筇直上碧峯頭

夜泊江山聞鄰舟有談鬼者揖而進之

夜船正寥寂聞客談齊諧知是鬼董狐揖而招之來客  
亦大欣然搖唇萬鬼集頃刻燈光青寒風射窻入天地  
亦大矣陰陽相乘除干寶莫道有阮瞻莫道無謝客真  
多情贈我勝絲竹得聞所未聞平生有耳福

過仙霞嶺

乍上仙霞嶺遙山漸莽蒼梯田高下種環水往來忙峽



亦大矣陰陽相乘除千寶莫道有阮瞻莫道無謝客真  
多情贈我勝絲竹得聞所未聞平生有耳福

### 過仙霞嶺

乍上仙霞嶺遙山漸莽蒼梯田高下種環水往來忙峽  
束人如小雲封路覺長輿夫先斂足取勢作低昂  
亂竹扶人上蒙茸但見烟千盤難度鳥萬嶺欲藏天古  
樹挈雲健重門鑄鐵堅分明兩戒外別自一山川

從浦城新鄉起行六十里宿剡口一路山勢奇險

### 是武夷之先聲

簇簇青芙蓉對面開千朶頗似武夷君著渠來迎我有  
時形突兀雲中插箭筈有時勢盤紆長眉鬪婀娜遙青  
與天分近綠將人裏陵上更援下斷右忽連左灘聲萬  
雷奔松竹一亭鎖遠望樹深處茅蓬起烟火心忖是何



村今宵安歇可

漁梁道上作六絕句

一過仙霞兩耳無人聲都變鳥聲呼客中只與雞談好  
慚愧當年介葛盧

遠山聳翠近山低流水前溪接後溪每到此間閒立久  
採茶人散夕陽西

山腰逼仄小車停竹作長籬樹作屏遠望自家行李過  
晝來都是好丹青

荒村小店歇征鞍上漏旁穿板壁單回首洞房金鴨暖  
夜眠却也一般安

劉郎才思本縱橫遊過名山氣倍清得句榮干得科第

急奔車下報先生

初筭蠻女髮鬢髮折得溪頭花亂簪一幅布裘紅到老



夜眠却也一般安

劉郎才思本縱橫遊過名山氣倍清得句榮干得科第

急奔車下報先生

初筭蠻女髮鬢髮折得溪頭花亂簪一幅布裘紅到老  
不知人世有江南

崇安署中觀清獻梅

一樹偶然種千秋謚法加人皆思往哲天亦重孤花北  
宋風霜古南枝骨幹斜對君吾欲問琴鶴在誰家

夜告閣

事苦無人告朝朝告碧空香焚高閣上天在此心中有  
感雲皆散無言聽愈聰是誰瞞得過吾欲問崖公

到武夷宮望曼亭峯作

武夷宮前多古樹參天蔽日杳無數我來可惜宮殿荒



冠帔真人多暴露一峯孤撐號曼亭其下戍削上隆平  
想見帝臺千尺石傳觴一夕來仙靈八月中秋月正明  
武夷之君駕玉輶招集鄉人童與叟開口曾孫喚某某  
過來多少事茫茫今宵且盡杯中酒招英妃兮鼓琴命  
妙容兮擊鼓手製雲霞羹七夾麒麟脯雲璈水瑟數聲  
來白鹿蒼龍一齊舞羽換宮移曲漸終五更玉漏響丁  
東唱到人間可哀曲湘弦齊斷月明中香風忽起彩霞  
捲羣仙去矣歌聲遠牽衣兒女盡哀號雲馬風車不可  
挽至今小別二千年石上蒼苔鳥跡滿吁嗟乎君兮君  
兮胡爲不再來豈不知望斷人間更可哀

試茶

閩人種茶當種田邈車而載盈萬千我來竟入茶世界  
意頗狎視心迥然道人作色誇茶好磁壺袖出彈丸小



兮胡爲不再來豈不知望斷人間更可哀

試茶

閩人種茶當種田邈車而載盈萬千我來竟入茶世界  
意頗狎視心迥然道人作色誇茶好磁壺袖出彈丸小  
一杯啜盡一杯添笑殺飲人如飲鳥云此茶種石縫生  
金蕾珠蘂殊其名雨淋日炙俱不到幾莖仙草含虛清  
採之有時焙有訣烹之有方飲有節譬如麴蘖本尋常  
化人之酒不輕設我震其名愈加意細嚙欲尋味外味  
杯中已竭香未消舌上徐停甘果至嘆息人間至味存  
但教鹵莽便失真盧仝七碗籠頭喫不是茶中解事人  
從大王峯下乘舟入溪探九曲

溪南溪北山連連一曲二曲水盤旋三姑相逢疑玉女  
長城高障如鐵堅有臺不知誰放鏡有架不知誰挂冠



有竿不知誰作釣有槳不知誰拖船紅板橋名更奇絕  
長椽短杙相連牽分明堆架在岩穴何以不朽不墜干  
萬年疑是開闢以前乾坤壞此木逃出劫灰外又疑堯  
時洪水災人民居者巢猶在兩說紛紛世所疑唯唯否  
否姑聽之老身但願化猿鳥飛騰而上攫數枝可柰一  
波迎一波拒盤渦急浪來無數篙工只好隨波去扁舟  
小泊尙艱難何況中流作砥柱

灘水迅急篙工負舟而行余立石上相待

山似不許水脫逃多生怪石闌波濤水又怒石作阻撓  
終朝衝突聲呼號左騰乖龍右起蛟儼若格鬪三軍鏖  
馮夷列陣氣勢驕舟人一手難兩篙只得赤脚凌滔滔

負舟于背作擔挑滿船盤盂齊動搖我時獨坐浪打額  
游興忽被性命迫舍舟而徒登絕壁宛然鷗鳧立一隻



終朝衝突聲呼號左騰乖龍右起蛟儼若格鬪三軍塵  
馮夷列陣氣勢驕舟人一手難兩篙只得赤脚凌滔滔  
負舟于背作擔挑滿艙盤盂齊動搖我時獨坐浪打額  
游興忽被性命迫舍舟而徒登絕壁宛然鷗鳧立一隻  
帶濕搜毛風拍拍呼船速上來相逆千峯萬峯氣太逼  
遲恐老身化作石

登天游一覽樓覽武夷全局是夕月明如晝

千峯壓地地無縫三峯插天天欲動金鐘大鏞碧空墮  
醜犀怪象八蠻貢相角相倚洛蜀黨半伏半走鄒魯闕  
重重奇景散若麻天游一亭聚其衆武夷山脉多紆緩  
到此鋪張勢忽縱我坐兜籠門外來松柏排青夾成衙  
三步一休頭仰看兩足騰雲身忘重羽衣道人下相揖  
灑掃高軒設清供正逢明月挂前峯手指金丸請客弄



水精盤裏漾青螺銀海光中走白鳳翠撲鬚眉影欲飛  
唾落九天風爲送果然化人解乘虛豈止張騫能鑿空  
酒酣茶罷榻上眠魂抱萬山同入夢吁嗟乎人生不遠  
遊如雞伏甕中果能窮宇宙自可豁心胸我今一笑告  
諸公此來不負遠行二千里此山不負婆婆娑七十翁

從金雞寨入小桃源

一聲金雞鳴滿山白雲起忽然絕壁開走入雲中矣其  
間別有天草屋相橫排稻田百餘畝催租無官差四面  
山環之鳥飛不能上一二野人居有如麋鹿放可見世  
界海尚藏太古春何必陶彭澤思訪避秦人

至伏虎岩徧歷險怪憬然有悟

世人談虎輒色變我忽見虎目亦眈青天盡被怪峯割  
猛獸欲同奇鬼戰更有虎舌重萬鈞手搖輒動雷聲聞



界海尙藏太古春何必陶彭澤思訪避秦人

至伏虎岩徧歷險怪憬然有悟

世人談虎輒色變我忽見虎目亦眴青天盡被怪峯割  
猛獸欲同奇鬼戰更有虎舌重萬鈞手搖輒動雷聲聞  
高懸萬古不輕落此中奇理難具論我記兒時好鎔錫  
戲投水中皆壁立如臺如閣如峯巒亦復膠粘不歆仄  
苟明此理山亦然借此疏解何疑焉混沌未分水沙合  
元黃已判氣脉連偶然高下若鑄就非由人力非由天  
可惜天形大人形小山壽長人壽夭以致滄海桑田變  
化時不能在旁張眼看分曉遂覺化工有意鬪姦巧假  
使有生無死壽若毘騫王翼若萬里垂雲金翅鳥看見  
乾坤開闢兩三回又能頃刻飛翔周八表自然一切仙  
船石匱虹板橋原委由來都了了



在舟中回望天游一覽樓已在天上

一樓高立萬峯巔遠望迢迢在半天昨日幸儂樓上住  
不然還道住神仙

草鞋嶺觀仙蛻手按之頭尙搖動

神仙蛻骨傳張徐峯高梯朽路莫踰只有草鞋嶺上仙  
真身未化形瞿瞿道人引我至彼處溪攢石簇途煩紆  
我乃跣足鼓勇上果有石洞如瓜廬洞中一叟魁踞坐  
非漆非土非皮膚叩之橐橐作聲響筋骨雖有眉鬚無  
齟齬闌殘齒牙腐雙眸垂下元珠枯我思精神天所有  
鋒隨刀盡歸空虛鬱茲枯腊遇好事裝飾凶穢驚庸愚  
聖人六經尙糟粕何況區區恒榦歟何不束縛瘞邱隴

化臺兩字顏其墟仙雖不言如解語風吹頸動搖頭顛

引路者云杜轄砦最險是前朝屯兵處攀援而登



鋒隨刀盡歸空虛鬱茲枯腊遇好事裝飾凶穢驚庸愚  
聖人六經尙糟粕何況區區恒榦歟何不束縛瘞邱隴

化臺兩字顏其墟仙雖不言如解語風吹頸動搖頭顛  
引路者云杜轄砦最險是前朝屯兵處攀援而登  
讀壁上吳中立碑記不覺失笑

天形蕩蕩寬到此忽然狹是誰造方城礮礮四面夾我  
懼作虎兇一束難出柙又恐化寶劍被人裝入匣洞雖  
分上下勢總環匝匝前賢碑記存細字可摩搨杜者杜  
塵緣轄者轄石硤云此讀書佳烟雲供吐納如何詢土  
人謬以屯兵答中塑杜將軍持刀披金甲拾遺訛十姨  
一笑口難合

從杜轄寨下行至雞母洞回望寨中樓閣如在舟  
中望天游也



渺渺樓仍在茫茫到已難人生高處下莫再仰頭看

雨過

雨過山洗容雲來山入夢雲雨自往來青山原不動

伏羲洞

絕壁森森古洞開羲皇曾此坐蒼苔想因細看橫排石  
悟出先天一畫來

鬪眉峯

青山有意鬪眉痕巧作彎環月樣新急取筆來描粉本  
還家重作畫眉人

換骨巖

每對黃庭眼倦看有誰能得大還丹吟詩骨與神仙骨

一樣天生換總難

老行



換骨巖

每對黃庭眼倦看有誰能得大還丹吟詩骨與神仙骨

一樣天生換總難

老行

老行萬里全憑膽吟向千峯屢掉頭總覺名山似名士  
不蒙一見不甘休

飛鐘

何處鐘飛來挂空如碧瓦有意避人敲甘心萬古啞

晒布岩

山立如長城萬里一刀截有時織女來晒布三千匹

黃竹

想尋黃竹到瑤池忽漫相逢在武夷王母曲裁歌罷後  
女兒箱未打成時三春作伴鶯尤好九月抽霜筍最遲



料得瀟湘雲水恨此君雖老不曾知

宿紫溪聞雁

客館燈殘夢不成忽聞秋雁語深更非關畫角因霜落  
還似孤舟曳檣行千里關河方寂寞一封家信欠分明  
衰翁久斷人間事振觸翻嫌兩耳清

履霜

清霜一夜草鋪平遊子支筇踏欲驚葛屨不知何故響  
板橋先似有人行偶貪身在松間立漸覺寒從脚下生  
不怕輕冰消息近藍橋吾欲訪雲英

到鉛山與程吳二友遊積翠岩

山川大固佳邱壑小亦好但須結構嚴便見化工巧我

遊武夷還重登積翠岩意謂齊魯遊定將邾莒嫌不啻  
孤峯起長劍青天倚其下洞穴奇嵌空杳無底地仄氣



到鉛山與程吳二友遊積翠岩

山川大固佳邱壑小亦好但須結構嚴便見化工巧我  
遊武夷還重登積翠岩意謂齊魯遊定將邾莒嫌不啻  
孤峯起長劍青天倚其下洞穴奇嵌空杳無底地仄氣  
易聚徑曲景愈幽始知河與海原宜納細流

石井

石井一泓水潺潺鎮日鳴無功能濟世只管自家清

冒雨宿射溪

數椽立水上四面凌荒灘征夫爲雨窘到此更已殘衣  
裳類戰罷汗透濕中單然糠急自燎倉猝何由乾野菜  
購盈把輿夫同一餐有燭不能秉風中爲燈難有帳不  
能支雨中爲客寒權把旅店臥當作行船看驚疑窗外  
響魚龍來問安



蘆花

虛負花名色不嬌  
漁翁舟過幾枝搖  
風前作絮秋將老  
江面鋪霜午不消  
羞與吳綿爭冷暖  
甘從潘鬢學飄蕭  
天涯有客開箱嘆  
欲取寒衣路正遙

紅葉

武夷高嶺曉霜濃  
楓葉離離色不空  
草上有時隨意落  
花中無此可憐紅  
非關冬日行春令  
直把胭脂寫醉翁  
我欲題詩學宮女  
柰無心事訴秋風

坐蘿蔦船到西安

蘿蔦船輕似鳥翔  
喚來小坐趁朝陽  
水深五尺碧于玉  
橘滿千林紅映霜  
篙打亂灘雙耳鬧  
碓舂空屋一輪忙

濛濛篷底炊烟起  
疑是溪雲墮滿艙

憑欄



蘿蔦船輕似鳥翔  
喚來小坐趁朝陽  
水深五尺碧于玉  
橘滿千林紅映霜  
篙打亂灘雙耳鬧  
碓舂空屋一輪忙  
濛濛篷底炊烟起  
疑是溪雲墮滿艙

憑欄

鎮日憑欄一笑生  
世間萬事莫分明  
溪河石子豈無數  
可有神仙數得清

重過玉山感舊

玉山平遠路斜長  
五十年前此束裝  
店主已經三代換  
征夫重作一宵忙  
飛鴻踏雪痕難覓  
司馬題橋夢未忘  
弱冠風情當日景  
不堪轉盡九迴腸

屏風館詩爲霞裳作

玉山東下屏風館  
茶肆盈盈春色滿  
劉郎慣聽唱廝波  
穩坐羊車頭不轉  
輿夫貪喫六班茶  
引入長陵小市家



竹徑白飄千點雪，茆亭紅出一枝花。  
抽觴有女來相迎，口是杭音張是姓。  
斜溜嬌波目不停，驚郎玉貌將奴勝。  
郎意三分妾十分，瑤光奪堦今宵定。  
行李先行郎未行，探懷無物贈傾城。  
自憐螢火單身客，那有庚桑一宿情。  
佳人暗啓縷金箱，代取纏頭賜阿娘。  
挑燈親製黃昏散，把盞同餐窈窕湯。  
千金一刻呢呢語，戒體摩挲手心更許。  
三更問字學侯芭，一局彈棋輸玉女。  
郎與奕大北夜漏難將海水添，汝南雞叫五更天。  
願甘同夢情何極，怕悞行期起更先。  
班馬已經嘶陌上，弓鞋猶是立門前。  
天涯分手太匆匆，落月啼烏盡惱公。  
何日柔卿能解藉，何時阿軟得重逢。  
劉郎歸向舟中坐，細說前因淚潛墮。  
老我聽來

感不禁教郎身受如何過，回首蓬山路已遙。  
勸郎自懺莫魂消，冶容易惹天花染。  
莫再他生作宋朝。



太匆匆落月啼烏盡惱公何日柔卿能解藉何時阿軟  
得重逢劉郎歸向舟中坐細說前因淚潛墮老我聽來  
感不禁教郎身受如何過回首蓬山路已遙勸郎自懺  
莫魂消冶容易惹天花染莫再他生作宋朝

七里瀧

七里瀧深草樹疎青山匝水環紆老翁白髮手雙槳  
仝著女兒兒喚賣魚

哭蔣用庵侍御

夷甫曾看裴楷終我來君去太匆匆故人不及春宵雪  
一夜猶能待曉風

彈指交情五十年回頭水上過輕烟不能忘記春明夢  
折柳題襟小雪天

膠靑刷髻好容儀袍褶衣圭一剪齊安置屐裘都得所



風裁誰似謝征西

手持玉尺領文星  
驄馬嘶風萬里行  
聽說牂柯千尺水  
至今猶遜主司清

遊子前年返故鄉  
白頭人送滿天霜  
也知此會成長別  
剔盡銀燈話尙長

兩家食譜有成書  
每到筵開折簡呼  
今日奠君真草草  
可能勉強一嘗無

來遲九日便離羣  
恨是三分悔十分  
賴有陳遵尺牘在  
開看一字一逢君

將君手扎裝潢成冊此番帶至杭州而君先九日亡矣

留別杭州故人

飛鳥猶知戀故都  
我來心欲別西湖  
賈生詣闕當年早

丁令還鄉此日孤  
聽笛事雖隨夢遠  
看花身未要人扶  
且將滿目河山意  
徧訪黃公舊酒壚



留別杭州故人

飛鳥猶知戀故都我來心欲別西湖賈生詣闕當年早

丁令還鄉此日孤聽笛事雖隨夢遠看花身未要人扶  
且將滿目河山意徧訪黃公舊酒壚

胸中屈指故人家處處敲門日未斜強半兒童呼大父  
相看風貌類孤花高談誰聽開元曲乍到人疑博望槎  
問比昔年台宕返髭鬚又白幾多些

瀧岡阡上草如茵歐九時時暗愴神苦爲他年謀祭掃  
誓同鄉里結婚姻新豐雞犬多相識故土枌榆倍覺親  
可柰西泠無片瓦九原應恕不歸人

班荆道故日匆匆頃刻天涯又轉蓬此會自然非偶爾  
他生還要遇諸公三千世界花同落十二因緣事未終  
天意亦憐垂老別連宵不起挂帆風



寄同年阿廣庭相公

一紙西川奏捷書  
凌烟閣上有誰如  
功成鳥道千盤外  
身是金精百煉餘  
天子寵行郊勞禮  
王侯爭逐上公車  
欣看麾下從征士  
都藉風雲到玉除  
郇伯旬宣物望隆  
年年車馬自西東  
春深似海方調鼎  
事重如山又借公  
治水魚龍聽號令  
安邊刀劍挂崆峒  
有緣最是西湖月  
三度旌旗照眼紅

聽說裴公兩鬢絲  
精神還似受降時  
中天運好夔龍健  
首相心勞管葛知  
愛惜人才都爲國  
平章花月偶吟詩  
師門風義殷勤甚  
屢問人間杜牧之

鰕牛榜下便離羣  
畧記威容一二分  
身賤龍門難灑掃

勲高鷗鷺易傳聞  
青山木落人空老  
黃閣風和日未曛  
莫道巢由真懶散  
也曾終夕望卿雲



詩師門風義殷勤甚屢問人間杜牧之

鰕牛榜下便離羣畧記威容一二分身賤龍門堆灑掃

勲高鷗鷺易傳聞青山木落人空老黃閣風和日未曛  
莫道巢由真嬾散也曾終夕望卿雲

題浣青夫人詩冊

名孟鈿字浣青常州錢文敏公女也

絕妙金閨詠絮才一生詩骨是花裁分明擁髻揮毫際  
別有心從天外來

尺五真疑戴皂紗風裁不似女兒家也因氣得江山助  
簪盡秦關蜀嶺花

已隨夫婿綰銀黃更見嬌兒步玉堂天爲佳人破常例  
清才濃福兩無妨

而翁南下賦歸歟適我新婚北上初水面匆匆通數語  
懷中正抱女相如



重提春夢最消魂老去尤驚日易曛難得相思竟相見  
宣文君與武夷君

臘月七日蘇州張君止原招遊靈巖山館次日往  
寒山天平登中白雲看雨

張敷今逸士招遊古靈巖龍頭大舩搖不畏雨廉纖日  
短河流長到山天已暮取持懸火遊亭臺歷無數肴烝  
既甘鮮賓從尤姸雅謂徐沈二生論古兼評詩玉屑紛滿把  
五丈蘄王碑九曲畢公園藉君作導師使我得窺觀

次日往寒山山寒冬更寂紺殿與琳宮鎖閉無由入扣  
門久不應寺僧嬾可想祇道無人來豈知有我往枯葉  
瑟瑟語凍泉微微鳴分明千尺雪化作一團冰朔風挾

雨至濕雲吹滿地不待晚鐘撞行矣各挽臂

張眼貪看山滿身不知雨餘勇遊天平持繖遮芒履白



門久不磨寺僧嬾可想祇道無人來豈知有我往枯葉  
瑟瑟語凍泉微微鳴分明千尺雪化作一團冰朔風挾

雨至濕雲吹滿地不待晚鐘撞行矣各挽臂

張眼貪看山滿身不知雨餘勇遊天平持繖遮芒履白  
雲分三層我竟登中峯無梯天難上有罅路可通誰把  
石筍插壁立將人壓豈徒雙鳳銜直是二婢夾歸來謝  
主人躍躍興未了我不厭山高不嫌我老

贈吳如軒

有序

如軒齒猶未也忽以狀來屬爲立傳蓋懼余之  
衰而他時秉筆之無人也按古人生傳甚少除  
昌黎于何蕃溫公于景仁外絕不多見至于梓  
人巧者則是借彼爲寓言非其實也但良友誑  
諛勢不能已乃取其生平大槩韻其辭而贈焉



庶幾千載後讀此詩者如見其人并以質之現  
今海內之識如軒者

釣魚須釣海上鰲結交須結扶風豪吾友如軒古俠士  
仰空一笑天爲高身著黃衫走吳下春宴春遊窮日夜  
挾彈桓東年少塲投莞子野公城舍 朝廷命採赤堇  
銅羣商低頭拜下風海船峩峩天外去姓名直到扶桑  
東上至公卿下厮養置驛通賓相識廣傳呼某到合座  
迎一紙書飛應若響有時指困助賑災闔門沿路無啼  
孩有時周卹友朋急千萬黃金手一擲山塘十里女如  
雲稱觴上壽來紛紛一枝新花開出色蜂蝶爭先報與  
君張燈讌客花如海台葉倡條憑客採歌終不怕月沈

西城門自有金吾待與我交情廿載餘白頭把手各相

於每當玉漏三更盡張外曾聞訊起吾看君酬應亡如



雲稱觴上壽來紛紛一枝新花開出色蜂蝶爭先報與  
君張燈讌客花如海冶葉倡條憑客採歌終不怕月沈

西城門自有金吾待與我交情廿載餘白頭把手各相  
於每當玉漏三更盡帳外猶聞訊起居看君酬應忙如  
箭感君處處能周徧豈徒詫叱廢千人直可精神當八  
面殘臘匆匆遽返山自慚才盡詠君難且貽越石并州  
調當作朱家本傳看

題張熙河孝廉梅花詩話卽送遊峨嵋

熙河孝廉真奇士自言生性無他嗜好同山水結良緣  
慣替梅花作花史穿穴寒香二十年梅詩梅話手親編  
蠶眠細字盈萬千字字皆帶梅花烟君貌清癯如鶴古  
見訪隨園月端午隨園七百七枝梅望見君來一齊舞  
送君西遊巴蜀中折梅相贈行匆匆好將五月江城笛



吹上峨嵋第一峯

附霞裳和詩

紅葉

驚心最是滿林楓底事皆成醉客容青女曉辭紅日  
去朱顏常被白雲封飄零時響空山路墮落才逢古  
澗松我欲題詩先煮酒摳衣自掃葉重重

蘆花

蕭蕭一片荻花稠憔悴江濱早白頭映月慣招鷗作  
侶隨風悞上客行舟如棉不肯因人熱落絮寧甘付  
水流知否楊花翻羨汝一生從不識春愁

履霜

侵晨上嶺滿途霜紅日將升未吐光屐齒留痕誰更  
早馬蹄去進我知京遙山望去頭敬白野徑行過草



水流知否楊花翻羨汝一生從不識春愁

履霜

侵晨上嶺滿途霜紅日將升未吐光屐齒留痕誰更  
早馬蹄怯進我知涼遙山望去頭微白野徑行過草  
露黃最是負薪人太苦糾糾葛屨走危岡

聞雁

夢返孤舟月影西忽聞征雁語聲悲同懷離緒輸儂  
遠可有家書報客知訴出旅愁雲裏聽喚醒霜角枕  
邊吹寒檠一點燈如豆頗似長門夜坐時





云南省中學校附進修學校  
圖書購入驗收專用章

17880























